



848. fundur stjórnar GSÍ, 10. apríl 2014, kl.17:00 á skrifstofu GSÍ.

Mættir voru: Haukur Örn Birgisson, Bergþóra Sigmundsdóttir, Gunnar Gunnarsson og Eggert Ág. Sverrisson. Þá sat fundinn Hörður Þorsteinsson framkvæmdastjóri og skráði hann fundargerð.

#### 1. Fundargerð

Fundargerð frá fundi 13. mars 2014 s.l. staðfest og hún undirrituð.

#### 2. Breytingar á mótaskrá

Lögð fram endanleg mótaskrá GSÍ fyrir árið 2014. Samkvæmt ákvörðun sem var tekin á síðasta stjórnarfundum var hætt við að hafa Áskorendamótaröð Íslandsbanka tveggja daga mót. Golfklúbburinn Setberg verður með mótið 24. maí og Golfklúbbur Grindavíkur með 3. mótið á Áskorendamótaröðinni 21. júní. Önnur mót eru óbreytt frá því sem áður hefur verið kynnt.

#### 3. Reglugerðabreytingar

Á síðasta stjórnarfundum var samþykkt að senda aðildarklúbbum og deildum sambandsins upplýsingar um þær breytingar sem stjórn sambandsins hefur í hyggju á reglugerðum sambandsins.

Bréf þess efnis var sent 19. apríl s.l. og frestur gefinn til 7. apríl til að senda inn athugasemdir. Nokkrar ábendingar komu fram og sneru þær flestar að sveitakeppni eldri kylfinga. Var samþykkt að verða við þeirri ábendingu að lið í 2. deild eldri karla og eldri kvenna yrðu jafn fjölmenn og í 1. deild eldri karla og eldri kvenna.

Þá kom ábending frá dómara nefnd um að skynsamlegt væri að gera kröfu um að skipaður dómari í sveitakeppni karla og kvenna í 1. og 2. deild væru landsdómarar og sama ætti við um sveitakeppnir eldri kylfinga og unglunga. Voru þessar athugasemdir samþykktar og viðkomandi reglugerðum breytt í samræmi við það. Aðrar auglýstar breytingar voru jafnframt samþykktar. Reglugerðir verða uppfærðar í golf.is í samræmi við samþykktar breytingar og tilkynning send á klúbba þess efnis.

#### 4. Afreksnefnd, fundargerð

Lögð fram fundargerð Afreksnefndar og verkefnaskrá landsliða. Bergþóra gerði grein fyrir umræðum í Afreksnefnd og að tekin hefði verið ákvörðun um að senda lið til keppni í eftirfarandi Evrópukeppnum: piltaflokk, karlaflokk og kvennaflokk. Þá var jafnframt samþykkt að senda kvennalið til keppni á HM í Japan í september.

Umræður voru á s.l. golfþingi um að nauðsynlegt væri að breyta þeim viðmiðum sem fram kæmu í Afreksstefnu sambandsins varðandi val í landslið. Afreksnefnd leggur til ákveðnar breytingar á stefnunni í fundargerð sinni. Stjórn sambandsins samþykkir að fela Afreksnefnd að undirbúa tillögu í samræmi við fundargerðina fyrir næsta golfþing til afgreiðslu.

#### 5. Dómara nefnd, fundargerð



Lögðu fram fundargerð dómaranefndar frá 1. apríl s.l. Stjórn fagnar þeim áhuga sem fram kemur í aðsókn að dómaranámskeiðum sambandsins.

Í fundargerð nefndarinnar kemur fram að haldinn var fræðslufundur fyrir dómara og var hann vel sóttur.

#### 6. Samráðsfundir GSÍ með golfklúbbum

Forseti gerði grein fyrir að vegna veðurs hefði þurft að fresta samráðsfundi sem áætlaður var á Austurlandi 22. mars. s.l. Áætlanir eru um að samráðsfundur verði á Austurlandi í maí.

Næsti samráðsfundur var 8. apríl á Suðurlandi og var hann haldinn í golfskála Golfklúbbs Öndverðaness. Til fundarins voru boðaðir allir klúbbar á Suðurlandi og sóttu fulltrúar 9 klúbba fundinn auk þess sem forseti, framkvæmdastjóri og 3 stjórnarmenn voru á fundinum. Forseti og framkvæmdastjóri höfðu framsögu á fundinum og síðan voru almennar umræður. Fundarmenn lýstu yfir ánægju með framtakið og fengu stjórnarmenn góða innsýn í þau verkefni sem snúa að klúbbunum og ábendingar um það sem vel gengur í samskiptum klúbbanna og sambandsins um leið og bent var á það sem betur má fara.

Fleiri samráðsfundir eru á dagskrá í lok apríl og byrjun maí, þar sem klúbbar á höfuðborgarsvæðinu verða heimsóttir.

#### 7. Heiðursveitingar

Formaður Laga- og reglugerðarnefndar lagði fram hugmyndir að reglum um heiðursveitingar sambandsins. Voru þær ræddar og samþykkt að fresta afgreiðslu þeirra fram á næsta fund.

#### 8. Vottun GEO

Forseti greindi frá því að hann hefði fyrir hönd sambandsins verið á afmælisfögnuði Nesklúbbsins. Klúbburinn fagnaði 50 ára afmæli 4. apríl s.l. Við það tilefni hefði klúbburinn fengið fullnaðarvottun GEO (Golf Environment Organization) og væri þar með fyrsti klúbburinn á Íslandi til að ná slíkri vottun.

#### 9. Næsti fundur

Næsti fundur verður fimmtudaginn 8. maí kl.17:00 á skrifstofu GSÍ.

Fleira ekki tekið fyrir og fundi slitið kl.19:00.